

রেজিস্টার্ড নং ডি এ-১



অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, অক্টোবর ১৬, ২০০৮

নির্বাচন কমিশন সচিবালয়
শেরে বাংলা নগর, ঢাকা

প্রজ্ঞাপন

তারিখ, ০১ কার্তিক ১৪১৫ বঙ্গাব্দ/১৬ অক্টোবর ২০০৮ খ্রিস্টাব্দ

এস, আর, ও নং ২৮০-আইন/২০০৮।—স্থানীয় সরকার (পৌরসভা) অধ্যাদেশ, ২০০৮ (২০০৮ সনের ১৭ নং অধ্যাদেশ) এর ধারা ১২৬ এ প্রদত্ত ক্ষমতাবলে নির্বাচন কমিশন, পৌরসভা (নির্বাচন আচরণ) বিধিমালা, ২০০৮ এর নিম্নরূপ সংশোধন করিল, যথা :—

উপরি-উক্ত বিধিমালায়—

১। বিধি ৬ এর সংশোধন।—বিধি ৬ এর—

(ক) উপ-বিধি (১) এর দফা (খ) এর পরিবর্তে নিম্নরূপ দফা (খ) প্রতিস্থাপিত হইবে, যথা :—

“(খ) কোন প্রার্থী বা প্রার্থীর পক্ষে অন্য কেহ সভা আয়োজন করিতে চাহিলে প্রস্তাবিত সভার দিন, তারিখ, সময় ও স্থান উল্লেখপূর্বক অন্যান্য ২৪ ঘন্টা পূর্বে স্থানীয় পুলিশ কর্তৃপক্ষকে লিখিতভাবে অবহিত করিতে হইবে;”;

(খ) উপ-বিধি(৫) এর দফা (ঘ) এর পরিবর্তে নিম্নরূপ দফা (ঘ) প্রতিস্থাপিত হইবে, যথা :—

“(ঘ) কোন সড়ক কিংবা জনগণের চলাচল ও সাধারণ ব্যবহারের জন্য নির্ধারিত স্থানে নির্বাচনী ক্যাম্প বা অফিস বা কেন্দ্রীয় ক্যাম্প বা অফিস স্থাপন করিতে পারিবেন না; মেয়র বা কাউন্সিলর পদে প্রতিদ্বন্দ্বী একজন প্রার্থী প্রতি ওয়ার্ডে একটির অধিক নির্বাচনী ক্যাম্প বা অফিস স্থাপন করিতে পারিবেন না বা নির্বাচনী এলাকায় একাধিক কেন্দ্রীয় ক্যাম্প বা অফিস স্থাপন করিতে পারিবেন না।”;

(৬২৬৯)

মূল্য : টাকা ২.০০

(গ) উপ-বিধি(৮) এর দ্বিতীয় লাইনে “তিনটির” শব্দটির পরিবর্তে “দুইটির” শব্দটি প্রতিস্থাপিত হইবে।

২। বিধি ১০ এর সংশোধন।—বিধি ১০ এর পরিবর্তে নিম্নরূপ বিধি ১০ প্রতিস্থাপিত হইবে, যথাঃ—

“১০। রহিতকরণ ও হেফাজত।—(১) স্থানীয় সরকার, পল্লী উন্নয়ন ও সমবায় মন্ত্রণালয়-এর স্থানীয় সরকার বিভাগের প্রজ্ঞাপন এস,আর,ও নং ১৫৭-আইন/৯৮ই/পৌর-২/এগাস্ট-১/৯৮, তারিখ ৩১শে আষাঢ়, ১৪০৫ মোতাবেক ১৫ই জুলাই, ১৯৯৮ দ্বারা জারীকৃত পৌরসভা নির্বাচনে প্রতিদ্বন্দ্বী প্রার্থী এবং তাহাদের কর্মী ও সমর্থকগণের জন্য অনুসরণীয় আচরণ বিধিমালা, ১৯৯৮ এতদ্বারা রহিত করা হইল।

(২) উপ-বিধি (১) এর অধীন রহিতকরণ সত্ত্বেও উক্ত বিধিমালার অধীন কৃত সকল কার্য বা গৃহীত সকল ব্যবস্থা এই বিধিমালার অধীন কৃত বা গৃহীত হইয়াছে বলিয়া গণ্য হইবে।”।

নির্বাচন কমিশনের আদেশক্রমে

মুহম্মদ হুমায়ুন কবির
সচিব।